

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

**Po zahtjevu privrednog subjekta TROPIC d.o.o. Banja Luka, Bosna i Hercegovina o obavezi
podnošenja prijave koncentracije**

**Sarajevo,
novembar 2015. godine**



Broj: 01-26-7-017-4 -I/15
Sarajevo, 24.11.2015. godine

Na osnovu člana 25. stav (1) tačka f) Zakona o konkurenciji („Službeni glasnik BiH“ br. 48/05, 76/07 i 80/09), a na Zahtjev za davanje mišljenja privrednog subjekta TROPIC MALOPRODAJA d.o.o. Banja Luka, Ivana Gorana Kovačića bb, 78000 Banja Luka, zaprimljenog od Konkurencijskog vijeća pod brojem: 01-26-7-017-I/15 dana 26.10.2015. godine Konkurencijsko vijeće na 112. (stotinudvanaestoj) sjednici održanoj dana 24.11.2015. godine, daje

M I Š L J E N J E

Privredni subjekt TROPIC MALOPRODAJA d.o.o. Banja Luka, Ivana Gorana Kovačića bb, 78000 Banja Luka (u daljem tekstu: TROPIC MALOPRODAJA ili Podnosilac zahtjeva), podnio je Konkurencijskom vijeću dana 26.10.2015. godine pod brojem: 01-26-7-017-I/15, Zahtjev za davanje mišljenja o obavezi podnošenja prijave koncentracije (u daljem tekstu: Zahtjev), u vezi postojanja obaveze podnošenja prijave koncentracije koja će nastati spajanjem privrednog subjekta MOJ MARKET društvo za trgovinu i usluge d.o.o. Banja Luka, Ivana Gorana Kovačića bb, 78000 Banja Luka (u daljem tekstu: MOJ MARKET).

Privredni subjekti TROPIC MALOPRODAJA i MOJ MARKET su privredni subjekti koji rade i djeluju kao povezana lica u sastavu TROPIC grupacije. Navedeni privredni subjekti se bave djelatnošću trgovine na malo proizvodima široke potrošnje i to dominantno prehranbenim proizvodima. Do postojanja ovih privrednih subjekata u vlasništvu, posredno ili neposredno, istih lica, došlo je tako što su ova dva društva izvorno nastala kao vlasništvo različitih pravnih i fizičkih lica, a preuzeta su od lica koja kao povezana lica djeluju u okviru TROPIC grupacije.

Privredni subjekt MOJ MARKET upisan je u sudski registar Okružnog privrednog suda Banja Luka pod registarskim brojem: (..)*¹ sa po (..)*% udjela fizičkih lica (..)* i (..)*.

Privredni subjekt TROPIC MALOPRODAJA upisan je u sudski registar Okružnog privrednog suda Banja Luka pod registarskim brojem: (..)*. Vlasnik ovog privrednog subjekta je (..)*, koje je opet u vlasništvu fizičkih lica (..)* i (..)* sa po (..)*% udjela.

Kao vlasnici MOG MARKET, odnosno posredno TROPIC MALOPRODAJE, (..)* i (..)* imaju namjeru:

1. da prenesu (..)*% udjela u privrednom subjektu MOJ MARKET na privredni subjekt TROPIC MALOPRODAJA tako da bi ovim prenosom privredni subjekt MOJ MARKET postao potpuno zavisno društvo i
2. da u pojednostavljenom postupku izvrše spajanje sa pripajanjem ova dva privredna subjekta tako da bi privredni subjekt MOJ MARKET prestao postojati bez postupka likvidacije, dok bi privredni subjekt TROPIC MALOPRODAJA u cijelosti preuzeo njegovu imovinu i radnike, prava i obaveze, dugovanja i potraživanja.

Traženo mišljenje se odnosi na to da li u slučaju zaključivanja ugovora o prenosu udjela u osnovnom kapitalu privrednog subjekta MOJ MARKET, između (..)* i (..)*, kao prenosioca dijela udjela i privrednog subjekta TROPIC MALOPRODAJA, kao sticaoca (..)*% udjela i zatim spajanja sa

¹ (..)* - Podaci predstavljaju poslovnu tajnu

pripajanjem privrednog subjekta MOJ MARKET sa privrednim subjektom TROPIC MALOPRODAJA pri čemu će privredni subjekt MOJ MARKET prestati postojati bez postupka likvidacije, a privredni subjekt TROPIC MALOPRODAJA će preuzeti u cijelosti poslovanje privrednog subjekta MOJ MARKET, postoji obaveza prijave namjere koncentracije.

Članom 12. stav (1) Zakona o konkurenciji, propisano je da se pod pojmom koncentracije smatra:

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili prevladajućeg uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata;
 - 1) sticanjem kupovinom većine dionica ili udjela osnovnog kapitala; ili
 - 2) sticanjem većine prava glasa; ili
 - 3) na drugi način, u skladu sa odredbama zakona koji regulišu osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata,

Ovo mišljenje Konkurencijsko vijeće daje isključivo na osnovu podataka navedenih u Zahtjevu i na osnovu istih je ocijenilo da nisu ispunjeni uslovi iz člana 12. stav (1) Zakona o konkurenciji, te u tom smislu ne postoji obaveza podnošenja prijave koncentracije.

Ukoliko ovi podaci odstupaju od stvarnog činjeničnog stanja ovo mišljenje se ne može primijeniti.

Predsjednik

mr. Arijana Regoda-Dražić

Dostavljeno:

- **Podnosiocu zahtjeva**
- **arhivu Konkurencijskog vijeća**